



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-I/25-1-40-181-2/21

Datum: 04.05.2021. god.

«Agencija za vodno područje rijeke Save» Sarajevo rješavajući po zahtjevu podnesenom od strane fizičkog lica Husić (Rifat) Šuhra, nastanjenog u općini Novi Grad Sarajevo, za donošenje Rješenja o prethodnoj vodnoj saglasnosti za aktivnost krčenje šume na lokaciji stambenog objekta na zemljištu označenom kao k.č. 944/8 K.O. Reljevo, u općini Novi Grad, Kanton Sarajevo, na osnovu člana 109. stav (2), Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98 i 48/99) **d o n o s i**

ZAKLJUČAK

1. Odbacuje se zahtjev podnesen od strane fizičkog Husić (Rifat) Šuhra za donošenje Rješenja o prethodnoj vodnoj saglasnosti za aktivnost krčenje šume na lokaciji stambenog objekta na zemljištu označenom kao k.č. 944/8 K.O. Reljevo, u općini Novi Grad, Kanton Sarajevo, jer je na osnovu činjenica utvrđenih u toku vođenja postupka ocijenjeno da predmetna aktivnost **nema specifičnih uticaja na režim voda** kako je to propisano članom 109. stav (2) Zakona o vodama i nema uslova za vođenje postupka.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, što uključuje i odgovarajući vodni akt kantonalnog ministarstva nadležnog za vode, a sve u skladu sa važećim zakonskim propisima, odlukama, uredbama i dr.

Obrazloženje

Fizičko lice Husić (Rifat) Šuhra je dostavilo zahtjev ovoj Agenciji za donošenje rješenja o prethodnoj vodnoj saglasnosti za aktivnost krčenje šume na lokaciji stambenog objekta na zemljištu.

Uz zahtjev je dostavljena slijedeća dokumentacija:

- Ovjereni kopiji lične karte;
- Kopija Rješenja naknadne urbanističke saglasnosti broj: 02/04-23-5659/17Z.H. od 28.09.2018. izdata od strane Službe za urbanizam, stambene, imovinsko-pravne, geodetske poslove i katastar nekretnina Općine Novi Grad Sarajevo;
- Kopija digitalnog plan katastra komunalnih uređaja;
- Kopija Mišljenja Federalnog ministarstva poljoprivrede, vodoprivrede i šumarstva broj 07-1-58/2-1557/19EK od 11.10.2019. godine.

Na osnovu uvida u raspoloživu dokumentaciju je utvrđeno:

Predmetni objekat je izgrađen u ulici Tjepovački put br. 152, na zemljištu označenom kao k.č. broj k.č. 944/8 K.O. Reljevo, općini Novi Grad, Kanton Sarajevo, što odgovara k.č. broj 1009/162 K.O. Crnotina po starom premjeru.

Uvažavajući stavove iz mišljenja Federalnog ministarstva poljoprivrede, vodoprivrede i šumarstva broj 07-1-58/2-1557/19EK od 11.10.2019. godine u pogledu podjele nadležnosti za izdavanje vodnih akata, odnosno postupanje u skladu sa odredbama člana 109. stav (2) Zakona o vodama, a u vezi sa članom 139. istog Zakona utvrđeno je slijedeće:

- Na predmetnom zemljištu je izgrađen stambeni objekat za čiju gradnju su izvršene predradnje u smislu uređenja zemljišta što je uključilo i uklanjanje/krčenje šume;

- Uvidom u informacioni sistem voda AVP Sava konstatovano je da se predmetna zemljišna čestica ne nalazi u zonama sanitarne zaštite izvorišta vode za piće, niti u blizini vodotoka koji bi mogli biti pod uticajem predmetne aktivnosti;
- Ukupna površina predmetne zemljišne čestice iznosi 1.000 m²;
- Na predmetnom lokalitetu neće biti produkcije tehnoloških otpadnih voda kao rezultata tehnološkog postupka, kao ni oborinskih onečišćenih voda, kako je to utvrđeno odredbama člana 3. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20 i 96/20), odnosno nema ispuštanja otpadnih voda u smislu odredbi članom 139. stav (1) tačka 3. Zakona o vodama.

Na osnovu prednjeg i provedenog postupka, a shodno odredbama člana 109. stav (2), a u vezi sa članom 111. Zakona o vodama utvrđeno je da predmetna aktivnost ne može trajno, povremeno ili privremeno uticati na promjenu režima voda akata, doneseno je rješenje kao u dispozitivu.

Iz razloga naprijed navedenih, a u skladu s članom 109. stav (2) i 111. Zakona o vodama i članom 218. stav (2) Zakona o upravnom postupku riješeno je kao u dispozitivu Zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

Haris Ališehović, dipl.ing.građ.

Po ovlaštenju
 Rukovodilac Sektora za izdavanje vodnih akata

 Haris Ališehović, dipl. ing.građ.

Dostaviti:

- Husić (Rifat) Šuhra, Tjepovački put br. 152, 71000 Sarajevo
- ☉ AVP Sava, ISV – Vodna knjiga
- Sektor 40, arhiva
- Oglasna ploča AVP Sava